



Broj: 07-14-1594/18  
Vogošća, 12.10.2018. godine

Na osnovu člana 69. stav 2. tačka tačka e), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 12.10.2018. godine donio je

**ODLUKU  
O PONIŠTENJU POSTUPKA JAVNE NABAVKE RADOVA NA ZIMSKOM ODRŽAVANJU  
LOKALNIH I NEKATEGORISANIH PUTEVA I TROTOARA NA PODRUČJU OPĆINE  
VOGOŠĆA, U SEZONI 2018/2019. GODINE**

**Član 1.**

Poništava se postupak javne nabavke radova na zimskom održavanju lokalnih i nekategorisanih puteva i trotoara na području općine Vogošća, u sezoni 2018/2019. godine broj: 07-14-1594/18, jer je cijena jedine formalno-pravno prihvatljive ponude znatno veća od osiguranih sredstava za predmetnu nabavku.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**OBRAZLOŽENJE**

Općinski načelnik je dana 24.09.2018. godine donio Odluku o pokretanju Otvorenog postupka nabavke radova na zimskom održavanju lokalnih i nekategorisanih puteva i trotoara na području općine Vogošća, u sezoni 2018/2019. godine, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 25.09.2018. godine pod brojem: 1353-1-3-112-3-65/18.

Sažetak obavještenja o nabavci objavljen je u "Službenom glasniku BiH" broj: 67/18 od 28.09.2018. godine.

Tendersku dokumentaciju sa Portala javnih nabavki BiH je preuzelo 8 (osam) ponuđač ponuđača. Krajnji rok za dostavu ponuda bio je 10.10.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 10.10.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-1594/18 iz septembra 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Mevludin Commerc" d.o.o. Sarajevo i "Debos" d.o.o. Sarajevo	421.247,00	/	/	492.858,99
2	"Ame" d.o.o Breza	367.743,00	/	/	430.259,31

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda grupe ponuđača-Konzorcija "Mevludin Commerc" d.o.o. Sarajevo i "Debos" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova. Između ostalog je stavkom 4. predmetne tačke traženo da ponuđač na raspolaganju ima 2 (dva) utovarna posipača za suhi postupak koji se mogu montirati na kiper kamione.

Tačkom 7.4.2. pod c) TD su pored Izjave na obrascu ponuđača da imaju u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženom inventurnom listom ili ugovorom o najmu shodno tački 7.4.1 C kao dokaz traženi i sljedeći dokumenti uz napomenu da isti moraju biti originali ili ovjerene kopije:

- za utovarne posipače za suhi postupak koji se mogu montirati na kiper kamione iz tačke 7.4.1. pod c) stavka 4. potrebno je bilo kao dokaze dostaviti važeće upotrebne dozvole.

Konzorcij "Mevludin Commerc" d.o.o. Sarajevo i "Debos" d.o.o. Sarajevo je u svojoj ponudi (strana 176. Ponude) dostavio popisnu listu mehanizacije na kojoj se može uočiti da se na pozicijama 20., 21. i 22. nalaze posipači traženi odredbama tačke 7.4.1. pod c) TD, međutim imenovani ponuđač nije dostavio dokaze (upotrebne dozvole) za posipače navedene u inventurnoj listi, a koji su traženi odredbama tačke 7.4.1. pod c) TD.

Na strani 194. Ponude je također dostavljena Upotrebna dozvola broj: 16-UD-240-5/16 od 03.04.2016. godine za specijalno vozilo sa posipačem i plugom Hacotrack, tip 2300 D, godina proizvodnje 1996., međutim navedeno specijalno vozilo ne ispunjava uslove tražene TD, iz razloga jer je jasno traženo da ponuđač treba imati na raspolaganju utovarni posipač za suhi postupak koji se može montirati na kiper kamione.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača "Ame" d.o.o Breza ispunjava formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponude ponuđača "Ame" d.o.o Breza, te je izvršena računska provjera dostavljene ponude i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Qbzirom da ponuda ponuđača "Ame" d.o.o Breza sa ukupnom ponuđenom cijenom u iznosu od 367.743,00 KM bez PDV-a, znatno prelazi procijenjenu vrijednost nabavke koja iznosi 196.500,00 KM bez PDV-a, Komisija za javne nabavke je zaključila da je predmetna ponuda znatno veća od osiguranih sredstava za predmetnu nabavku tj. procentualno je veća za 87,15 % u odnosu na procijenjenu vrijednost nabavke.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova na zimskom održavanju lokalnih i nekategorisanih puteva i trotoara na području općine Vogošća, u sezoni 2018/2019. godine, iz razloga jer je cijena jedine formalno-pravno prihvatljive ponude znatno veća od osiguranih sredstava za predmetnu nabavku, a u skladu sa članu 69. stav 2. tačka e) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

- |   |             |
|---|-------------|
| 1. "Mevludin Commerc" d.o.o. Sarajevo i<br>Debos d.o.o.Sarajevo | 033/864-719 |
| 2. "Ame" d.o.o. Breza   | 032/783-936 |
| 3. Nadležnoj Službi   |             |
| 4. U dosije   |             |
| 5. a/a  |             |



OPĆINSKI NAČELNIK

  
Edin Smajic